



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五六六

題蕉館集八卷 周廣盛撰

一

重訂厲廉州先生詩全集九卷（藉花小室詩鈔二卷寄蠡詩鈔一卷還珠堂和陶百

詩鈔一卷斷梗吟一卷栖塵集一卷幸存稿二卷衡遊草一卷）厲同勳撰

八一

金陵癸甲新樂府一卷金陵城外新樂府一卷 馬壽齡撰

二七三

萬善花室詩集四卷萬善花室詞藁一卷 方履錢撰

二八九

萬善花室文藁七卷 方履錢撰

三三五

培園全集二十三卷（文鈔四卷詩鈔四卷賦鈔四卷黃梅兵事考

三卷黃梅雜咏二卷試帖詩鈔二卷試草四卷）余錫椿撰

四七三

道光己酉春刊

題蕉館集

崇儉堂藏版

題蕉館集序一

雨蕉少有才名而厄於遇失怙後廢書學賈少所爲詩文輒棄去弱冠復學儒所作詩文哀然成集年二十八舉於鄉家燬於火蕩然無存亦文字之厄矣後則計偕都門攻制舉業不苟作亦卽遺棄入官後偶有作不自存稿老友唐春舫同來陝襄佐閱二十餘年爲掇拾之癸卯夏余服闋再至青門謂雨蕉曰余兩人已將衰老所爲詩文盍刻之雨蕉瞿然悄然深自譁抑一若重有感者余知雨蕉之志并知其所詣之進矣戊申秋將付梓丐序於余以余幼同學長同遊壯同官交最摯時

題蕉館集序

余已病劇伏枕不能書猶憶雨蕉少時刻試帖詩余鄉學靜山丈序其詩曰雨蕉穎異好讀書所爲詩文皆蹀躞奔放不屑屑於傍門捱戶而自有體裁試帖非其擅場而沉雄倜爽獨開生面稱其所爲詩與文蓋騁才於聲偶之中而不詭繩尺者也昔洪稚存太史嘗謂余曰才之傑者不必傾崑瓊倒海珠而筆墨變化之妙精靈不測如西方化人一髮孔中現大千世界如神龍之階尺木興雲噓霧而不可方物雨蕉近之已斯言真知雨蕉者以雨蕉自幼讀書畢氏之廣堪齋丈知之切余何序亦以丈序之者序之而已噫雨蕉之詩文一厄於賈

再厄於火三厄於奔馳南北而終且厄於余病幾不能
作序亦可概見其性情而傷其遇云道光二十八年八
月二日愚兄徐元潤病中書

題蕉館集序

二

題蕉館集序二

雨蕉之詩發軔於初唐得力於大厯十子繼乃肆涉於
韓杜而筆力益健少作訂成兩冊中多沈博排纂之作
詞出入蘇辛而心折玉田亦訂成一冊駢體學六朝未
訂成冊燬於火不能記憶今所刻已付紙簾予爲掇拾
之并少作之留遺在友人者訂成八卷雨蕉以體不醇
不欲問世常戚戚予曰零章剩句亦一時心血所結俯
仰平生流連故舊發乎情止乎義他日家庭留一稿本
亦略見前人鴻爪之寄云爾若言體不醇則秦與漢與
魏晉與六朝與唐宋元明與筆之所至氣息隨之亦不
必拘拘於格律致蹈唐詩初盛晚之譏也他日再輯叢
稿刻續集并爲澄汰之可乎雨蕉何戚戚爲乃強付之
梓

題蕉館集序

一

道光丁酉六月愚兄吳江唐紀雲友泉氏識

題蕉館集自敘

總角粹掌象勺息業憫凶遭遺風木啣悲蹊初闢而羣生驚欲語而吮扼少不攻苦壯悔何及自入人海已至中年瞠目膏心抗塵走俗幾於視賈董如隔世指元華爲秘書選樓騷壇音信沉絕鼠竄蠹簡字句零星偶徇金石之請遽與梨東之災眇克學禮姪鹽試粧豈啞鶴之能鳴或寒蟲之留響計古今體詩六卷詩餘一卷賦序文說書贊一卷爲題蕉館初集道光二十九年二月鎮洋周廣盛識

第一卷 簫簾集

題蕉館集自敘

三

第二卷 簫簾集

第三卷 游燕集

第四卷 秦川集

第五卷 秦川集

第六卷 秦川集

第七卷 焚餘集

第八卷 百衲集

題蕉館集卷一

鎮洋周廣盛

簫簾集一

卅歲孤露學賈廢業殖無根抵過半耳食矢口發聲不假修飭如風過簫如土擊概膏識宗派亦渺紀律自癸亥迄戊寅詩爲二卷

擬古

暉陽有孤桐託生在孤嶼鳳皇集其下徘徊而客與非無枳棘林擇木審所處百鳥任啁啾六翼自軒舉願爲阿閼巢德輝攬而佇一鳴號歸昌雲韶和南呂

題蕉館集卷一 詩

弱歲弄奇翰束髮通九術遠游歷燕齊終南與少室蕩黃河流瞳瞳泰山日閒塞若木華言採琅玕實道以貞自全繪以素爲質不附驥尾蠅不捫禪中蟲一卷冰雪文夙尙在著述

庚蟀催代序庭草綠暗滋故人在遠道雜佩將貽之投以青玉案報以瑤華詞出門西向笑仰視白日馳洛陽王佐才年少有殊姿請纓繫南越慷慨氣不羈神駒伏轡下局促將奚爲

百川無砥柱日夜東向流讀書抗雅尙俯仰懷芬修叢蘭秘幽谷傲菊凌清秋抱璞恥自炫藏珠懼暗投龍門

近咫尺頰鯉集萬頭帶劍向長揖一識韓荊州

至乍浦

日夜驚不已人聲雜雞犬潮來灘水深潮去灘水淺海
舶高峩峩市廛齧齧初學賈人術機關未悉辨什一
逐蠅頭絲毫抽蝓繭贏縮自勾距兩計總非善舟子鮮
如雷月白更三轉

至乍浦市靛青未三月大折貲本作藍面神謠
藍面神爾掉尾盤盤葉似蓋非草亦非卉不隨君子蓮
不伴幽人葦土人五月打成餅臭味特過壁中蜚我船
市爾歸惡氣喉間无市道姑相客心賤爾知豈自浦載

題蕉館集卷一詩

二

至婁計月有三朞市僧弄詭術變幻毒如虺虧我囊中
貲一陌有零幾藍面神爾是鑽金螳爾是啄木蜚爾是
喪家犬爾是剛牙猊莫怪唐時盧姓人陰毒險狠人呼
藍面鬼

續市靛青頗得利作藍面鬼頌以解之

藍面鬼我和南爾乃是仙非是鬼采和堂構真無慚爾
乃是佛非是鬼伽藍寶相天人參爾能文黼黻爾能染
蟹蠶爾能操縱試官筆爾能繪畫將軍嵐青藍成謠師
道立丹青相業神功軍刈藍以染著月令風詩采采歌
盈穠位爾蔚藍之色界祝爾精藍之香龕藍衫利市拉

白紵藍田煥玉霏優曇但願子孫世世販藍靛青出於
藍青於藍

徐秋士亨菴羹招集俞萊汀蔣雲樵王研雲胡

小謝暨余集小廬峰館即訂文會

滄江花月酒盃空祭酒弁山各代雄尚有斯文傳正派
儘容我輩話宗風卜鄰王翰幽居近對字錄欽雅集同
靜憩匡廬延五老書鐙夜雨落銀蟲

秋士讀書處號五老峰係前明張南垣疊石

綺齡未敢薄雕蟲誰跨長鯨破海風早歲交游如骨肉
他年游宦各西東紛紛京國縞衣素落蕭齋夕照紅

題蕉館集卷一詩

三

餐仰前修須努力菹羹咬與菜根同

散步西郭時桃花盛開

連旬氛靄喜朝曦水涘林亭野色昏一幅青旗茆店酒
數家紅雨竹籬門嬉春裙屐剛修褷繞郭谿橋別抱村
重過鹿樵文讌地嘯臺芳草長煙痕

城南觀桃處梅村嘯臺尚存

胡小謝招集曙戒軒餞春以未到曉鐘猶是春

爲韻得曉字

陽條蔭階墀新水涵淙沼熙春薄上除叢樾穿宵窈窕
雨墜危芳深林嘯恨鳥訴往移喧新撫今雜憂悄歲月
驚驚過英游接奇矯秉燭陶良辰清尊共昏曉

報罷

瑁璫成何事心神暗自灰窮通應有命舒卷任余懷慷慨長沙策飄零洛下才錦坊誰入樣未敢議新裁

形贈影

曉月何團團照我座中室舉杯共相邀形三心只一豈無惡木陰欲息走何疾一聲清夜鐘顧之母自失

影答形

太行面前起出門風蕭蕭從子萬餘里相見非一朝千金慎相保遠道何迢迢努力及少壯莫令華顏彫

滄江風月樓歌

并序

題蕉館集卷一詩

四

西江花月有客高歌北苑風流重游如夢郡城滄江風月樓故元時酒樓也昔年歌舞鏤簫聲殘今日煙霞銅溝露冷蓋畫壁鐙帘已易爲商寮賈肆矣夫中弁三山東橋兩觀二百年間已成廢址何況斯樓歷年逾遠昔王尚書有東園之隘吳祭酒有樂游之賦爰披邑志用代壁書作長歌五百八十八言

婁江地控三江曲武陵橋漲春波綠夾道朱霞隔院迷半天虹影中流束憶昔滄江正全盛樓題風月稱名勝俠客雙驄玉勒驕羽觴三月春衫映樓前流水何淙淙

船頭伐鼓聲冬冬鯉魚八月暮潮急海艘賽社降蛟龍

蛟龍夜吼負潮走潮平月黑劉家口軍府星馳急羽書官兵勅衛嚴刁斗飛芻挽粟貢皇都巨舸長艚貼護符東去紅雲連八驛西來浮玉養三吳三吳自古稱都會聯帷接軫紛冠蓋巨賈雲屯賤貝珠朱門霞滌工雕繪瑤歌翠舞按涼州十斛金錢付部頭日暮酒闌尋勝賞春簫一曲上西樓樓頭別有江湖客北海詩人稱老錢同時伯甬人中豪酒旗歌板真雙絕東山憂樂感中年

謂錄呈

聖辦西江春水船墨綬往來居士里黃麻已負內臣宣辭徵事詞壇跌宕推江表青山影落盃中小賭勝傳鈞

題蕉館集卷一詩

五

璧月圓憑欄擲筵江城曉江城三月午風香簫管春深畫影長六曲闌干吹碧玉千條煙柳拂紅牆紅牆高高高百尺云是朱張中賜宅謂勅賜朱清張瑄第桂棟瓊梁霽半空珠璣繡闥標雙戟薰天意氣何雄豪秉鉞登壇佩寶刀中使聲華通許史左丞節制等蕭曹油車轂轉樓頭路瓊花夜夜新瓊樹縛客傾盃罵座豪當筵殺妓彈箏誤八寶龍鐙不夜城千華獻會祝長生西園競說流觴樂北苑誰知故壘平五百年來一揮手滄桑世事成何有舞榭歌臺盡劫灰唯有斯樓名不朽丹楓烏柏暮雲天月落鵲曉總惘然角警戍樓空晚照旗翻野堠起秋煙

頽垣敗瓦苔痕瘦，藤蘿雜樹三春秀。富貴從知草露空，文章猶並江山壽。灘淺沙淤烏鵲橋，我來此地極蕭寥。蘆花秋雨罨三面，燕子春風巷一條。名豪第宅知何處，到此徘徊不能去。吏部祠堂長白蘋，樂游原上飄飛絮。禾黍田平玉帶溝，蹇驢騷客任勾留。憑高欲唱關山曲，星斗一江風露秋。

夜航船竹枝詞八首

儂家舊住婁江濱，門前柳色慘慘新。蕭蕭暮雨不歸去，一曲吳歌愁殺人。

叩須幾度喚橫塘，日午雞鳴粳稻香。過客肩程煩指點，

題蕉館集卷一詩

六

前頭十里雪鷗坊

朝暾初上裏湖明，波上鱗鱗嫩綠生。送到客來還送去，

江潮畢竟是無情

前河西去菱塘長，後河東去菰米香。艇子家家不用買，

小紅橋畔繫浮航

潭子深深沒荳花，春來水長過灘沙。農人賽社家家喜，

雨水今年不用車

荻港蘆塘曲折多，初三潮上趁輕波。榜人遙指沙淤處，

道是前年新浚河

小隊三三結伴來，商船都候晚潮開。城頭已打初更鼓，

舟子聲聲向客催

年年湖上一帆懸，飄泊生涯艤子錢。風穩波平新月白，江城齊唱夜航船。

卽事

去歲清明日隄楊綠，暗滋小橋留客處。三月落花時空聽流鶯語，徒抽獨蠶絲。青梅結子悔讀牧之詩。

匹馬還鄉圖同陸子愉作

汾水雁初飛，紅妝卸舞衣。雕鞍新抱月，繡榻舊鳴機。路歎蘼蕪誤，歌憐松柏非。邯鄲游俠地，無奈故人稀。爲踐鴛鴦約，甯知道路難。妬真無療藥，弱恐竟鋤蘭。積

題蕉館集卷一詩

七

裏雲鬢鬢鞭梢，玉臂寒分明。歌出塞，莫作大堤看。

昔去傷油碧，今來慰玉騮。飛龍餘骨在，畫虎舊恩休。鵝

鰾輪同伴鶯花洗，別愁星霜憐憫閱。阿母與梳頭，

相見橫塘下。櫻桃鏡裏紅腰支，宜貼地裙帶欲隨風。沙

雨銅絃底，關河柳絮中。黃衫吾舊事，劍氣夜成虹。

附錄

陸麟書子愉

黃龍鎮頭秋草荒，狂沙撲地天茫茫。紅顏一騎去如箭，千里吳山眼中見。借問紅顏出誰家，烏衣門巷嬌如花。十一當窗織縑素，十三阿母教琵琶。琵琶可憐聲愛作，邊頭行如何。晉祠水忽照江南人，江南迢迢

未言苦郎君能歌妾能舞祇期歌舞長青春中道忽
遇鴟鴞鳴朝聞鴟鴞鳴郎君蹶躓出門去暮聞鴟鴞
鳴驅妾空房淚如絮淚下不可止郎君致聲至我且
不得歸卿可自爲計摧肝腸肺燒檀槽是時月黑風
騷騷起視櫺閒有駿馬壁閒有寶刀繫我繡羅襦脫
我金步搖佩刀出門野蕭條磧中走馬狐狸嗥月出
瞳瞳不知曙逢人只問江南路妾夢何堪問綺羅郎
恩迴首沉雲霧敲鐙下蕭關汾河水不瀾雲鬢鞍上
月珠袂馬前山去日鶯花悲遠別歸來鸚鵡賀生還
登堂拜阿母阿母喜爲妝釵環迴頭見姊妹姊妹各

題蕉館集卷一詩

八

各言辛酸舉帷對明鏡不識舊時明鏡顏解我腰間
刀啓我新脂盞理我紅絲絃彈出關山曲忽作飛蓬
捲石聲馬蹄躑躅悲風蹙吁嗟乎苟灌披重圍木蘭
樂長征玉顏蕙質親風塵王姬王姬豈其人余亦短
衣驅馬去十盪十決屠鯢鯨

憶園竹枝詞

并序

夫壺公縮地託於半瓢漆吏臥游幻於一粟桐荈
主人於宅後築幽棲園故址顏曰憶園取大雅毋
念爾祖義也地拓數弓齋可十笏藤低礙眉檐直
露齒雜花滿窗寒菜一町西偏有樓翼然上

夫朝霞初升晚月漸上秋高氣澄煙歛夕霽時一
登眺飄飄有凌雲氣余嘉桐荈有明發之意而并
勗思勤之箴作竹枝詞四十九首以贈并爲余他
日倦游左契云爾

弁山地勢控三江煙月蒼茫接海瀧前有尙書後祭酒
名園才子總無雙

幻影蓬壺幾蟀庚舊時池館已全平草元奇字無人問
搔首詞壇孰主盟

平原侍御抗諸王琴鶴歸來載一航贏得俸錢詩一卷
水田不買買山莊

題蕉館集卷一詩

九

山凹結就小河亭面面風來敞曲櫺燕子來時春水綠
垂楊深處畫船停

年光彈指暗相侵石磴平臺沒草深一卷詩篇一碑板
水邊林下好追尋

尋來舊徑滿平蕪重置湖山入畫圖剪盡叢篁誅盡草
等閒費得好工夫

小小亭臺短短橋海棠花對美人蕉高低點綴天然好
不用工師細細描

漫言負郭畝塵雜編枳爲籬竹當門日暮漁歌處處起
後村款乃接前村

桃花開時眾草芳
菜花開後大麥黃
紫荊花開花事了
插秧分水家家忙

暖藏花甕護山茶
別墅原宜號釀花
開偏牡丹開芍藥
春來富貴占山家

春來波滑綠於苔
八扇玻璃榻子開
買得五湖油碧舫
底須添箇美人來

剪刀風緊紙鷺鳴
竹馬兒童集道營
不見禡牙旗六扇
將臺西畔有人耕

元時駐倉督處

楊柳絲絲綠似烟
黃鸝箇箇轉喉圓
誰家門巷深深閉
牆外碧桃紅欲然

題蕉館集卷一詩

十

踏青士女數游過
陌上薰風醉綺羅
爲怕鳳頭鞋子滑
掃將花片放前河

叢坡初茁牡丹芽
風暖紅闌護絳紗
門罷百花還鬥草
昨宵輪卻鳳凰釵

無端放槳弄波洄
偶撥鄰家水柵開
穿過梅花妝閣底
管教鸚鵡罵人來

木香棚接薔薇架
蛺蝶花連翠雀花
鎮日小眠齋裏坐
惱人最是蜜蜂衙

艷陽四月晝迢迢
小院東偏鬧鼓簫
賽社大家迎吉利
青龍門後太平橋

采花須采花朵稠
采花須教花蕊留
玫瑰刺多怕傷手
茶蘼架低防打頭

鵝黃家釀需時熟
鴨綠香醅到處賒
爲是鄰翁偏解事
隔牆送得一籬花

南村梅子垂如金
北村盧橘與黃檗
低枝只怕行人折
高枝又怕招來禽

建蘭開過珠蘭放
梅水煎茶試碧螺
一椀回廊捲簾起
有花香處蝶飛多

麥蠶櫻栗薦黃甌
新到鮓魚第一籌
添得風豬一齣味
哺雞筍更勝貓頭

題蕉館集卷一詩

十一

檐牙餓馬向風鳴
隔苑微聞笑語聲
有竹只教隨意看
客來多半不知名

蒼苔曲徑少人過
門設常關滿薜蘿
只爲看花無犬吠
鄰人特地送嬌媢

水嬉百戲集河干
翠羽明珠凭曲闌
倒影樓臺沉水底
美人都在鏡中看

換鵝書寫界烏闌
學得羲之借一看
只要長鳴無伏卵
儂家苜蓿是常餐

田田蓮葉湖之南
田田蓮葉湖之北
采蓮女兒破曉來
鴛鴦猶傍荷花宿

月明鋪水浸庭階遠近池塘閣閣蛙最是晚涼天氣好
大蒲葵扇與樓鞋

芙蓉峰矗鬱林東疊翠層嵐入遠空日色穿雲動金甲
半天攪下一樓風

深堂六月忽如秋溪水潺潺漲急流癡絕兒童階下戲
卷將蕉葉當龍舟

種瓜成蹊繇子孫種豆須傍槍籬根六月豆花小於鉤
七月瓜花大如盆

果瓜菱棗薦花坡今夜雙星正渡河怪底男兒生計拙
薦花薦不到牛哥

題蕉館集卷一詩

圭

漁舟曬網隱菰蒲遠渚蕭蕭老荻蘆人靜雙梧草堂閉
秋來桐葉雨聲麤

碧城十二紫煙浮皎月當空挂綺樓十里紅燈數聲簫
家家絃管慶中秋

雙扉門巷小橋通楊柳樓臺東復東學士墊巾郎側帽
朝朝沉醉木犀風

黃花開徧徑三三木落秋高見遠嵐登罷鐘樓最高頂
游人多半自城南

槐花書屋茗煙清紙壁新糊照眼明半榻琴囊燈似豆
二三更後有書聲

嶺回深洞杳無垠苔蘚斑斕積古塵丈八長碑字磨滅
捫來約畧是先秦碑洞有

廊廡別敞向橫塘萬朵芙蓉錦幄張管領秋芳成一隊
錫名也合喚花王

乍夜陰聲隔竹猜蒼苔露冷立徘徊牆頭仄徑無人到
自有暗香月下來

聲來西北響冬冬長吏排衙爲勞農參得維摩四句偈
好將衙鼓當晨鐘

勝裏金花壁上符日長添得繡工夫杏花消息三春約
先辦消寒九九圖

題蕉館集卷一詩

圭

掃地焚香一事無愚公眞箇只安愚近來學得逃禪法
一卷楞嚴一串珠

一夜布衾寒似餓天公釀雪故催詩朝來蠡壳窗逾亮
已折牆頭竹數枝

邱嫂何須漑釜鬻羹調骨董沸鍋心圍爐圍坐無賓主
合把偏提喚自斟

橋稅魚租負郭田年來徵課早輸錢東鄰野老無些事
終歲何曾到縣前

祀竈塗門舊例知羣兒壓歲索金貲阿翁別有關心事
第一商量要祭詩

江干墘圯久沈浮牛耳何人主倡酬待得春風梅萼吐
儘教管領百花頭

侍顧星橋師月滿樓文譙席間論詩并談及吳

中耆舊粵東宦跡賦呈四律

吳宮花草古蘇州白傳當年話舊游壇坫爭雄執牛耳
門材傳鉢集龍頭鮑魚名士悲千古狐貉斯文葬一邱
太息西銘今老去江東風雅亦沈浮

夜半魚龍靜遠瀧如輪明月逼寒窗滿天珠斗層霄落
萬斛鴻文健筆扛兩晉風流咄跌宕三唐盛晚息紛囂
宗風自是推韓杜盧駱王楊氣已降

題蕉館集卷一詩 古

當年閭闔記簪毫徑駕長風策六鼇薊北千山題筆偏
江南幾社姓名高西清東觀聯襟席珠樹瓊枝刷羽毛
老輩錢辛楣王夢樓皆宿草江湖載酒極蕭騷

珠江瘴毒浪如雷守郡曾經萬里來蠻峒烽烟皆斥堠
陀王花月獨登臺詩篇弔古牛馱東耕鑿從今鳥道開
回首鴻泥增感慨百年世事且啣杯

呈段凝式師

文體江河下詞章更費辭何人尊樸學後輩奉經師會
意心苗活諧聲舌本知百家多異說敢道識無之

閩邸報紀事

滑城陷

妖氛霾黑旄頭落赤眉青犢大任作狐鼠技倆虺螫計
憑社潑肆憑城勢縣令飛符出袖裏智取渠魁牛與李
鐵鎖鎖骨樛樛指狀無一字面灰死陡聞城闕同山崩
萬戶號哭聲沸騰強宰禦賊賊戕宰夫人殉節面不改
同時遇難卅五人稜稜忠義千秋新

復滑城

將軍圍騎封丸密賊巢不下四十日臨衝閑閑捲飛旆
鷗張臬越越狡獪自來奇計出不意不窮九天窮九地
火龍火礮自下出神兵疑是祈門術轟天烈焰掣飛電

題蕉館集卷一詩 五

將軍已定天山箭是時月黑雲似墨紅光忽現城西北
功成大將豐碑崇火攻計出長髯公

金鄉保

履霜堅冰坤爻象載鬼張弧疑影響吳宰膽識經百鍊
佯查保甲購賊線十三女子觀賊情阿爺報署闔署驚
緝紳耆老面灰色爲之奈何口噤塞宰言烏合乃賊夥
我不畏賊賊畏我兵械糧糈可立辦孌婦捐金先鄉宦
三千丁壯登陴守賊知有備捲甲走

黃村捕

羽林軍行疾如箭間道銜枚出海淀熊羆飛落黃家村

月黑鴟叫天昏昏鬼蜮陰謀絕幽閼翹首猶望援兵至
神威縛虎如縛羊跳梁小醜徒猖狂犀革重裹手足見
瀛臺一訊反情見傳首青豫賊胆裂飛檄三省搗巢穴
鯨鯢掃蕩狐兔亨

五雲奕奕

天槍明

定陶開州東明長垣巢縣復

天兵破賊如破竹定陶諸縣一時復不聞馬聲聞風聲
半空落下貌貅兵蒼兕紅衣戈橫鐵千里積尸染殷血
登城拔幟清霾氛巢窟頃刻烈火焚紅旂飛報慰

題蕉館集卷一 詩

六

宵肝

恩綸褒美國之幹將軍殲賊月三捷善後籌籌民妥貼
儒臣名將策萬全口碑多頌劉清天

題蕉館集卷二

鎮洋 周賡盛 雨蕉

簫簫集二

詠史

祖龍滅六國博士皆儒巾坑灰甫二祀篝火已亡秦其
時鄒魯彥褒祒豈無人如何蕞茅位徒得魯叔孫挾書
方除律讖緯亂典墳齷齪詩禮儒鄙棄宜莊荀始知微
言絕不爲秦火焚

漢廷始置相蕭曹際其隆何方進瓜叟參亦舍蓋公匡
匡刀筆吏綽有吐哺風屈釐故斗筭李蔡亦下中徒令

題蕉館集卷二 詩

十

平津閣馬廐生秋蓬

戰國士如雲我愛魯連子高談服田巴稷下皆噤齒聊
城殺燕將談笑飛一矢餘論黜秦帝垣衍驚病耳飄然
辭信陵千金弃敝屣高鴻冥冥飛豈爲邱阿止

長安十二衢冠蓋日紛紛朝游田竇里莫宿金張門後
堂厭絲竹前榮羅羶葷炙手爲赫炎睇眄承光恩人事
有代謝過眼如浮雲簷前挂雀羅坐中移酒尊魏其旣
失勢灌夫時惠存任安不改節感激依冠軍歲寒有松
柏槿榮安足論

子牟戀魏闕江湖裏湫攸南榮裏糧反十日生牢愁字

宙自寥廓飄飄皆浮漚奈何身七尺側足不遑投生前
一尊酒誰復知千秋寄語塵中人及時秉燭游毋令長
戚戚徒哀杞人憂

釋之爲漢吏十載常沉浮顏驥困郎署執戟到白頭隴
西七十戰數奇不封侯蒼蠅附驥驥獼猴乘土牛釋誨
論已隘感遇成怨尤逢時亦偶爾營營終何求

王孫憐一飯翳桑感壺飧爲惠不在大當厄乃可欣於
陵有賢士竈突生良塵積雪深拒戶不肯詣故人爲士
各有志激昂多先民漆園貸監河勺水困波臣柴桑譏
輒屢母乃徒傷貧

題蕉館集卷二詩

二

仲舉磊落士公禮格孟博人言君房癡不識閔仲叔下
士雖處囊高才淹驥足平生在羈紲安能免碌碌所以
柳下季泥塗不爲辱

亞夫用趙策金鼓雲中下淮陰師廣武席卷幽冀野由
來得一士縱橫出王霸齊女傷圖葵豈爲老不嫁中夜
撫龍泉汝眞知我者

五侯勢熏轅谷口旋歸耕李疆賢牧州不屈嚴君平季
長附梁冀高士無拂振應龍感元雲陰蠱先秋鳴人生
重意氣匪徒爲榮名

朱門陳列鼎下箸苦無處寒賸食無魚平生飽有數下

王寄欣戚達人葆冲素庚桑日數米子淵甘捭茹俯仰
宇宙閒浮雲自朝暮

正平年弱冠結交皆老成裸身罵曹瞞黃祖眞螭蛉終
軍一黃口伏闕請長纓卽無金石壽青史垂芳聲哲人
觀臨川歲月逝不停百年徒鬱鬱母乃鴻毛輕

子輿廢業屢張儀疑盜壁賢豪處兀窮謗毀日叢積蕉
萃失施嬭瓦礫映金碧獨有草元人終年守岑寂

韓非著說難被讒伏歐刀家令號知囊朝衣赴市曹豈
其刑名學陰禍慘莫逃亦知禍福倚避之或以招前人
察淵魚垂戒析秋毫虛舟不可怒明膏無自燒

題蕉館集卷二詩

三

匏已鼓雲和駟馬傾梁塵師曠奏清角玉羊舞元雲積
誠通異類物理孚魚豚如何獲人亡郢匠早輟斤至人
欲無言充耳難爲聞

李斯少游學辭家遠爲吏卑賤不忍訴紛華慕無已阿
世遂焚書六王忽無祀一朝被五刑參夷附重比方嗟
東門犬敢笑厠中鼠物盛有時哀大道遠驟喜

叔敖秉白羽郢人皆投兵魏尙出雲中胡馬遶邊城黔
夫守徐州燕趙傾威名由來專閫寄不苟飛長纓豈無
丈二及從事驪姚營

始皇讀五蠹恨不生同時武帝聞頗牧徒結異代知英

主奉壇席發夢無龍影奇才不世出草澤常見遺明良
有時會空佇千秋期

倪寬不署曹遲鈍少能事一朝工作奏迴出文俗吏經
義奏讞成雲臺聽高議買臣困負薪愚婦亦已恥出佩
會稽章畫繡傾閭里古今幾傳人嘖嘖照青史當其處
芻賤豈謂日三徙何人抱荆瑜噓拂在泥滓

仿元人齋中雜詠

蠹簡

好聚文章窟偏羅錦繡胸頻年鑽故紙何處認仙蹤兵
燹三千牘叢殘八十宗有人投筆後悵悵愧書傭

題蕉館集卷二詩

四

破硯

片石餘蒼骨文房重此君貞心憐瓦合隻影悵星分舊
夢寒窗雨前身太古雲何當磨盾鼻草檄論戎勲

殘碑

文章元氣在萬本繫人思撫榻戈鋌失推尋點畫疑苔
花周獵碣野火禹陵祠儻許中郎讀重題幼婦詞

古畫

剩水殘山在何人遠擅場會汗寒具手蚤入譙游囊洗
出溪光活添來石骨蒼啞他空耳食摸色辨微茫

塵鏡

一片秦宮月微茫漬淚痕愁施新粉黛黯泣古精魂秋
雨死央塚春風蛺蝶村玉臺蛛網徧舊夢怨黃昏

故劍

豈有不平恨長年只繫腰血痕囊底澁俠骨酒邊消氣
或成龍吼光仍射斗杓買牛應解佩農事勸春韶

敝裘

忽訝寒如許天涯雨雪中與來難貰酒披處不禁風嘯
傲嚴灘冷知交范叔窮香山千丈願推解更誰同

臥鐘

歲歲含霜信蟲聲四壁愁苔荒蕭寺跡花落漢宮秋蝸

題蕉館集卷二詩

五

篆疎如畫線波靜不流只餘深省意長向五更頭

消寒雜詠

圍爐

獸炭重重引鸞螺款款催花團紅袖障曲按紫雲回話
煖眉生暈哦成手畫灰劇憐林處士紙帳伴寒梅

呵硯

片石寒生額冰池散五紋唾花新潤筆噓氣動成雲蟻
淚紅初滴鵲晴碧漸分幾番叉手捷不待烏爐熏

弄冰

一幅琉璃紙憑誰手搗成案頭圓玦碎階下墜釵橫勻

水寒生骨敲雪脆有聲十年心力在鏤畫愧浮名

煮雪

一笏寒雲液爐頭夜沸初添柴紅焰活隔竹碧煙疎水
味中冷上茶花六出餘我家執素小鼎鏹未能噓

煖酒

地榼煖紅獸觥船載淥鱗衰顏寒更倚獨夜對逾親腸
內中宵熱壺中萬象春殘杯無限思屢向小奚嗔

哦詩

何人頻擊鉢吟客夜深圍句挾飛霜警聲隨落葉乾蠟
花勤刻韻蟲思解號寒莫倚千言富須教隻字安

題蕉館集卷二詩

六

添香

一瓣將安祝都梁夜翦頻死灰誰似爾餘熱不因人半
壁殘星炯疎窗冷篆親峭寒簾未捲留住染衣勻

翦燭

十年長短話紅燼夜來深尙作數行淚難灰一寸心禁
挑花送喜待滅月催臨斷帶君休惜哦詩任擁衾

烘花

偷得春消息繇花稱意紅化機爐輔捷寶相焰摩空藥
煖微生霧香輕密護風笑他簪勝裏偏倚翦裁工

掃葉

記得西風捲堆來滿石溪粘霜三徑展和雪一擔泥閒
話添童課寒聲靜馬蹏門前頻縛帚有客正扶藜

擁衾

布衾寒似鐵坐擁一鎧昏半夜聞雞舞殘宵倚酒溫苦
吟中有淚短夢了無痕日午披衣起騎驢過客門

糊窗

昨夜新霜警調粘作障風吹塵清野馬鑽紙鬧飛蟲靜
益抄書課寒分墮戶功浮生駒過隙光景惜窗窗

袖手

無藥醫瘡手楹書夜嬾披吟煙雙攏便讀書小垂宜坐

題蕉館集卷二詩

七

曝背

冷三條燭看殘一局棋梅花頻欲折無奈最高枝

瞥見初陽晰渾如挾纈臨幾人捫蝨話我輩展葵心綫
暑愁初短茆檐喜不深野夫思獻主寸意抵南金

說劍

酒後耳初熱高談焰更長心頭填恨事口角閃雄芒萬
古寒螭血三年俠客腸但看吾舌在會見掃欃槍

攤書

歲餘偏足用高攤雪窗寒疾倚雙瞳朗閒憑一几安然
黎渾不夜下酒只頻乾別有文千首攜來避俗看